

求聞過齋詩集

求聞過齋詩集卷三

海鹽 朱方增 虹舫

春草和劉信芳師原韻四首

幾年塵轍滯燕郊無那薰蕕易溷淆到處蘊龍經雨潤有時零
亂爲風捎深深蘚徑逢人掃莽莽蓬門斷客敲惆悵連番花信
過殘紅空曠海棠梢

曲隴迴廊迹已迷更誰香印藉春泥菟絲宛轉纏籬角苔字分
明篆赫躡別浦雨晴人獨立小園煙暖蝶雙栖相思重觸文通
感桃葉江南認舊隄

芒屨踏處劇生憐拾翠何人映玉鈿滿地關山淒宿霧幾朝宮
殿冷春煙青留絕塞風沙重綠到瀛洲雨露偏料得故園牽別
緒池塘遠夢又經年

各自芬芳各自花苑枯隨分逐年華但看鋤處因當路每到生
時便憶家落落古原吟白傅茫茫陰磧賦王涯神仙丹訣無人
識采藥空尋洞口霞

再和前韻

東風吹暖遍芳郊濃淡煙痕望裏滄茅屋綠添蘿蔓補莎隄青
借柳絲捎也曾色傍犀簾入可有花煩羯鼓敲到底不如桃李
樹他年養就拂雲梢

百愁如草太萋迷過眼韶光記雪泥塵海十年留翳鬢雲山一
路送征驪前生野火餘殘劫舊日江鄉賸故栖重望春暉千里
隔幾回回首白公隄

荒原憑弔不勝憐翦出春風似翠鈿斷鏃埋紅銷戰血殘碑臥
碧上蕪煙采來巖谷知名少生到園林得地偏怪底沿緣官道

畔無端榮落自年年

隨意風前護落花重茵鋪處惜芳華黏來屐齒疑無路蔓過牆
腰別有家翠袖飄零愁巷曲青袍老大感天涯何當一寫紅心
恨化作江頭萬丈霞

由西直門赴圓明園

微雨乍淅淅曉風猶淒淒直北雲未散坊路趨正西周道直如
矢驅車聊衝泥黯淡碧油幕蹙蹙青驄蹏四望騁我目好景恣
取攜鴨浮水三尺犢破煙一犁疊疊荷蓋覆剡剡秋鍼齊草腓
欲藉地花落方成蹊耘鼓出叢薄魚板鳴招提

皇居近咫尺殿角干晴霓霽後衆峯出蒼翠時撲衣層垣竹樹
密短竹菰蔣低

文園本同樂

恩波逮鳬鷺靜觀游鯨出還聽仙禽唳歸途忽耀眼一丈紅戎葵

題劉燕庭世兄新構嘉蔭篠書舍四首

精舍纔看拓幾楹窗前彝鼎足怡情鶯花卽景開詩界虬樹成
行入畫評金石要期書事業文章不獨爲科名請看額上新題
字莫忘終童尙請纓

相業韋平重海東早年已拜

主恩隆

嘉慶元年燕庭邀恩蔭

襟懷高軼雲霄上歲月長沾雨露中獨掃

塵寰華士習能知家世大臣風奇書插架人間少

御府頒來自不同

扶風絳帳喜常親報

國無才愧此身十載萍浮猶賃屋一官匏繫敢依人書逢快讀

時忘倦心解能閒爲耐貧曾記論文兼論志

客歲信芳師命於公暇與燕庭講學

木天還望步前廳

累世清名繼述難預籌經濟待應官光陰一瞬宜勤惜史册千秋要細看門內揚雄曾問字朝中貢禹已彈冠他年宮錦趨庭日添得重開舞綵歡

題許蓮舫春明走馬圖

歲在作噩月青陽

天子試士開明光鵬翮將翻滄海闊馬蹏亂踏春風香汝南許劭傳華胄作作星芒騰列宿秦嶺千里第宅新鑑湖一曲家聲舊翩然鶴立出風塵臺閣文章本絕倫餅餌承

恩餐杏苑花甄翔步侍

楓宸是時我亦希光曜二百人中年共少珂佩朝天夏曉風鞭

絲繞陌揮殘照蓬山歲月太恩恩河內爭思借寇公人惜詞臣
勞簿領

帝知循吏尙儒風

親賢殿裏除新敕

上駟驛圓明園引見百僚俱在勤政親賢殿

巴邱地接滄浪北

輕車遠歷虎牙山化雨濃沾麋子國絃歌到處頌聲傳旁郡皆
知大令賢五馬待驅湘水曲雙鳧又近沅江邊政清刑簡蒼生
喜舊友燕山思不已鷓鴣春秋忽八年關河南北分千里

詔書頒下五雲端六詔山川許縱觀

嘉慶庚午余奉鸚鵡洲邊命典試滇南

馳曉驛鷓鴣聲裏度晴巒武陵城郭參差近咫尺花封欣接軫
握手真教別恨消論心不覺更籌盡酒酣其話木夫時走馬長
安日賦詩疇昔年華都弱冠卽今相見其掀髯人生離台何足
數努力修名爭萬古慚愧輜軒託采風歡聞比戶謳膏雨輾轉

征輶往復還拳拳高誼喜重攀歸程已近盧溝畔違夢猶縈楚
水間十年撫字功誰匹卓茂官聲原第一疆吏頻看達薦章到
筒旋聽揮吟筆花驄再踏黃金臺天街漠漠飛紅埃三殿
龍光榮晝接十行

鳳綵自天來並轡春明欣聚首歲星一度還逢酉君游餘刃報
循良我愧成均濫趨走暫敘離悰引綠樽又催別緒餞都門遙
知竹馬郊迎處青綬銀章荷

聖恩

甲戌分校禮闈同人以孫少蘭侍御姚伯昂同年並擅繪
事出幀扇索畫各系以詩

俞東礪先生梅花便面

五雲仙詔下蓬萊瑣院深深疊騎來誰受東皇恩最渥百花頭

上一枝開

又桃杏畫扇

幾枝仙杏簇紅霞校士新承

寵命嘉正好江南春信到三千歲月祝桃花

陶雲汀侍御杏林日暖幘子

柏臺

恩命記新頒瑣院偕登振鷺班萬樹花風團作錦百年歲月轉

如環仙曹其守庚申錄

余與雲汀爲庚申同年時膺分校使節者姚伯昂陳石士皆庚申同年也

曾過子午關

庚午雲汀典試四川

好繼還川熊相國清名一代重追攀

甲戌孝感相國主禮部試有聯語云瑣院風清靜聽諸生吟霽月杏林日暖行看太史奏卿雲

謝向亭秋卉畫扇

點染霜華景秋風一徑涼從來梁棟器不屑鬪春芳

路鷗洲農曹花蝶畫扇

芳草南園託興遙
花叢小住又連朝
亂紅飛落渾無定
憑仗天風送九霄

汪小竹水部曲江春信畫扇

連番花信到花陰
感我栽花十載心
珍重一枝青鏤管
有人雲海卜升沈

陳石士同年畫扇

一時花樣一番新
妙手拈來別有神
濃抹淡妝都不礙
天然風韻自宜人

達玉圃同年花草畫扇

能豔能芳各一家
紛紛紅紫闌天斜
風前笑詠坡仙句
到眼防迷五色花

林敏齋果實畫扇

生花妙管十分妍
小品甌香動客憐
恍種梵天羅漢果
春風同證剎那禪

又石筍蘭竹畫扇

天與峻嶒骨森然
聳碧霄素心今有侶
直節好同標

潘紅垞畫蝶扇

一卷南華快讀時
是莊是蝶兩難知
長安三月春如海
采盡穠花一萬枝

孫少蘭侍御幘子

姚伯昂畫蘭石

閒揮湘管寫煙雲
葉葉花花盡不羣
想見芝蘭香一室
有人聯

楊夜論文

伯昂與少蘭同住十三房

姚伯昂荆華棖畫扇

春風影裏有同枝歡喜長安走馬時感我瑣闌今夜月燕山越水動相思

自題桃李春風畫扇

伯昂畫桃李少關畫李

多少師門感舊思東風又值種花時不知他日成陰後盼到凌霄那幾枝

自題少蘭畫扇

作飛花無定之狀旁綴柳枝

東風吹送本無心片片繁紅過柳陰屐齒檐牙黏不定一般花命有升沈

自題伯昂畫扇

作水田數頃豐荒各異之狀

縱橫鱗隰各分阡辛苦鋤犁又幾年肯向秋風計豐瘠但無稂莠卽良田

自題分校圖

奮武

皇威暢敷文

帝業昌甲環軒紀協辰振漢書詳詠德周寰海翹材重

廟堂憶曾司夏校乍荷擢春坊余於閏二月二十六日由司業遷右中允

寵命榮三錫

恩綸賁十行金鍼慚莫度玉尺許同量太宰當朝傑章桐門先生司

空夙望彰周蓮塘先生近畿功赫耀時桐門先生自署直督旋京古越澤汪洋蓮塘

先生曾視學吾浙

特簡春官副謂王蓮府寶同期

聖化揚師原尊獻山兩先生

帝胄獻山先生入直上書房官共率曹郎數恰瀛洲合勞宜瑣院襄初心

應不負結習恐難忘往者文風蔚諸賢道德光雄才求卓犖聲

說戒披猖別派爭馳軌餘波忽濫觴

近日士子摹尤西堂王巖山雨先生文體頗失其真

鉛華矜嫫母圖畫失王嬙未暇程朱域徒循馬鄭牆奧詞嗤祭

獺大道歎亡羊理緒幾全昧科名或偶擢遂令趨徑捷誰與挽

瀾狂士學關千古

天心軫九閭

詔書前日下

頃

正

特諭

班網此時張目想金鑰刮衷常石闕防

升沈雖有命披揀不辭忙亂草荆榛雜叢花荔杜芳相看原朗

澈回首又徬徨鼠璞懲訛售驪珠惕暗藏肯教喧囂益更爲簸

秕糠轉眼迷津筏驚心古戰場青雲容爾附白髮幾人償昔我

居鄉國承家有縹緗百年貽樾蔭十葉衍芹香

余家自前明至今十世皆生員

螻蛄先時屈龍期後嗣驤經營文五色滴瀝漏三商衣上劉蕡

淚窗前武子囊空存衝斗氣莫慰倚閭望楊柳旋彈汁芙蓉更

兆祥飛騫雖偶易甘苦已深嘗燕月三秋影滇雲萬里裝舊曾
持使節今復聽霓裳矮屋頻回顧師門倍感傷余辛酉座師材皆先後下世
將收竹箭境恍閱滄桑每憶和公鉢休論陸氏莊口碑憑毀譽
心秤不低昂畫出丹青手盟來鐵石腸焚香無別祝
前席待賢良

題畫寄小珊兄四首

并序

兄以迴避不得與試因囑少蘭畫一幀子點綴桃李數
枝於竹籬之內外有荊花一枝以寄意並囑分校中有
迴避者各系以詩

其瞻

仙詔下彤墀鎖院同將玉尺持種得滿園桃李樹轉愁牆外有
荊枝

西春憶其泛江波十四年來一瞬過太息長安花事盛馮唐老
去又蹉跎

文章原是謫仙才棘院曾經六度來愧我十年書未讀簪毫翻
許到蓬萊
題來詩句盡神仙同證維摩畫裏禪願祝他年揮鏹管霓裳共
聽大羅天

由金鰲玉竦至積水潭觀荷花

曉煙初稀微朝陽喜未曬徐步瀛臺旁金碧小李畫虹彩橫蜿
蜒風漪略湖泮中有萬荷華一花一世界荇藻延暗芬衣佩拭
纖芥驟雨前宵經萬柄無一壞欲去重徘徊此間最清快言過
積水潭芙蓉亦未敗淺紅映日濃亂碧塞波隘酒樓夙未登今
朝且破戒竹葉旣可酤蓮葯亦隨賣散髮憑欄杆做鼻吸沆瀣

香從空中颺冥濛無定在亂頭麤服中天然露姿態涼颺自東
來煩暘候頓瘞禪味頗會心坐忘寂無話驅車歸去來鄰寺落
晚唄

乙亥正月二十六日 命入直懋勤殿纂石渠寶笈三編
恭紀二首

西清鈴索接

宸居

詔許春風侍

玉除聯綬大廷元愷似

時奉命者吳學士其彥顧待讀臯張
檢討鱗沈編修維鐫胡編修敬吳修撰

信中龍修撰汝
言暨增八人揮毫

禁苑褚馮如寶書晉代流傳遠盛事

高皇纂集初難得此生饒眼福琳瑯快觀

九重儲

萬幾餘暇偶怡情題識親邀

乙覽精

玉璽分鈴神逸品

凡入寶笈書畫鈴最上品其次則鈴

御寶七者御寶五

牙籤詳列古

今名

寶笈體例先載明書畫縱橫尺寸及何絹何箋書錄其文畫著其景並詳書歲月題詠姓名圖章有題跋者亦存之

祕藏遠軼宣和譜真賞殊慚米老評

上命在事諸臣酌定去留後再進呈

特賜晨餐

恩最渥

上命御膳房備晨餐前次所未有趨

朝勤聽曉鐘聲

命每日辰入未出

校勘書畫偶成

玉池錦贖檢標題鴻爪分明記雪泥春夢一場雲過眼當年竟

不悟筌蹠

內府書畫中有楊少師擬式神仙起居注真蹟係大學士和珅籍沒之物其他精品半屬湖廣總督畢

沅江西巡撫
陳淮所藏

散直二首

祕殿初輟毫觚棱日已晚歸作退院僧神味頗蕭散小憩棠梨
村言尋竹里館俯仰平生懷會心不在遠萊婦能持家那復問
生產冬春米南來就厨索新飯紫茄方堆盤白菜足盛盃一飽
無餘思眠榻聊息偃嬌女纔扶牀向我乞書板

春風倏以過花事久零落人事何怱怱看花竟負約中庭編疎
籬叢竹難覓卻梁稈兼蘆枝鹿眼曲盤縛督童栽園蔬荒鳴數
弓拓菰豆方抽萌蠻瓜已垂絡爲地本無多于物欣有託始知
施濟心正約不在博料理益與瓶明朝插芍藥

卽事

破閒轉覺晝悄悄鈴索聲嚴

禁苑深萬軸煙雲方過眼一春花柳未關心晚來晴靄衝羸馬
歸去斜陽聽暮禽半角西山青未了貪看暝色上遙岑

六月十七日 命視學廣西恭紀二首

晨趨

祕殿晚歸遲使節欣聞嶺嶠馳銅鼓舊風宜易俗

玉宸新詔重匡時

十八日謝恩召對勤政殿上曰汝等翰林皆能開文命汝去者以整飭風俗爲重

本無經濟乎民望轉幸文章獲

主知從此板輿千里迓一家歡聚荷

恩慈

菲材何幸受

恩多渥被真同太液波

朵殿琳瑯叨纂輯桂江珠玉許搜羅衝炎肯賦勞薪曲取士方

期得寶歌長慮

聖明難報稱敢將清節自蹉跎

定興雨夕

靈籬排空忽震怒指揮大雨下如注模糊雲氣遮長天匝匝煙
痕壓高樹荒驛敗壁纏蝸涎頃刻上漏兼旁穿狂飈捲地直砭
骨暑月幾欲披重旃就東壁臥雨沾浥移榻向西雨又及暮禽
是處無定棲尺蠖何地可暫蟄中宵淅瀝聲少停旋復驟勢翻
檐鈴金蛇飛掣電光赤玉蛾亂撲鐙檠青衣車幾兩陷何所勞
我前庭屢延伫危坐達旦殊即當風外獨聽塔鈴語

自固城至安肅

驟雨聲漸微墨雲陣猶結躑躅來前途半爲水漱灑馬蹏盤碾
渦車軌濡深轍跋涉嗟輿夫十步九傾跌踏波聞喧呶沒胛作

排決掀恐淖以泥陷防蹶于埵急行愁沮洳徐步仍躑躑左旋
更右抽前提又後挈竭來古遂城紆途幾盤折夜色一以深昏
黑如積鐵小憩聊復佳宛若騎脫絀忽然聞雨鳴心愁不可說
豈知馬正饑沙沙草亂齧中夜殊徬徨雁侶悵斷列姚石農至
四更猶未
餓殘鐙滅復明延望眎眼纈

晚飯毛葦如州倅保陽行館

客路欣逢毛澤明晚涼時節話逡巡酒徒合向燕臺聚鄉味爭
誇越釀新判手河梁吟五字從頭煙柳記三春葦如至都
輒同行屐題襟
又復分襟去聽唱驪歌一黯神

住正定偕姚石農馮效亭家羨江游龍興寺觀大佛

閒雲無定蹤薄游隨所向行行過招提入門已清曠樹密遮炎
曦牆缺補遠嶂古殿如山深登之欲挾纈我佛施莊嚴行客每

瞻望是誰神妙手成此具足相大千幾難容丈六未可狀彼教
從西來寂滅以相尙是色卽是空無象乃無上須彌山本虛恆
河塵豈障何爲清淨場炫茲光明藏願言祛神通庶幾掃浮漲
覓徑穿禪房路細境逾暢花院聞棋聲松寮落梵唱剔蘚讀斷
碑開皇寺始創劫火已屢經紺宇獨無恙居士豈動心風旛忽
微颺

盧生祠二首

塵世何勞庇一樣驂鸞早上大羅天無端廣起千間廈不爲蒼

生爲列仙

時祠宇新葺

百年歲月易蹉跎眼底紛紛將相多果有旂常勲業在何愁人
向夢中過

過新鄭

清水清無極空明一鑑如更誰貽芍藥有客對綵笺練影初涵
雁渦紋忽罩魚濟人能盡否還問鄭卿輿

伯昂同年招飲許州試院

白羽城南起暮碁好然官燭藉論心參苓滿籠搜初徧蕭艾三
秋話自深忽漫天涯吹絮果最難客路聚苔岑宵分祇惜臨歧
促回首觚棱感不禁

范孟博墓

母能勸以死令欲偕之亡清名勁節耀寰宇豈獨畫諾傾南陽
窮陰慘阻直剝卦獄中肯下臯陶拜張儉亡命徒累人從李君
死完我真要使衰季識治理雞當雨晦鳴不已維持板蕩幾黨
人撐撐乾坤數君子首陽高高青不迷此山此墓終古齊

信陽

舊是申侯地長懷束楚篇翰推南服國賞記北門田白水常懸
布青山不礙煙恰逢新霽後螺翠撲吟壖

懷大復山人

詩林別派溯前朝中葉何人擅彩毫一隊旌旗當北地同時壇
坵屬南曹清風節勁苞苴絕明月篇成格律高大復山前空仰
望祇餘暮色上征袍

過武勝關

恨者箇關古直轅雞翅膈膊飛崇巒天梯石棧互縈貫層胸吐
宕青雲端穿珠蟻慣歷九曲孽沙鷹乍淩千盤馬行到此已茶
弱豈獨興者愁嶺岼當時吳楚鬪蠻觸茲地洵可爲屏藩方城
以外舟盡毀還塞諸隘封泥丸頓兵堅壁豈恃久騎輪將使無
東還左司馬計不能用幾屋宗社良可歎設險果貴扼形勢攬

勝尤足成巨觀數重青翠杳無極煙中分掃蛾眉彎陂陀上下
幾盤折俯視山左皆平原人家半在翠微畔村舍遠隔空濛間
二分雲樹一分水室廬處處皆可圍沿籬徧開紫茉莉繞屋多
擁青琅玕稻田漠漠試花早隴頭一片黃雲翻有陂可潄池可
灌四圍短柳懸魚竿蒹蘆未賦計良得來此差勝江南山安能
誅茅築精舍爽氣終日開門看

渡漢江

木蘭之楫沙棠舟風帆獵獵懸兩頭舫聲離岸疾如箭畫舫頃
刻橫中流中流之水釀于油變作春酒可以消煩憂祇恨我生
不善飲不願壘麴爲糟邱但願破閒來此常遨遊回望晴川閣
遠指散花洲模糊樹影不可辨但見一片濃煙浮晚來江上風
颼颼沙腳幾處眠閒鷗魚龍乘潮以出沒橫吹腥沫無時休梅

花未落玉笛在翩然直上黃鶴樓
笛聲高徹碧雲際仙人跨鶴來聽不

張公渡乘舟至東湖驛

渡江不用楫蕩槳過東湖遠水碧如此亂山青欲無
魚曾瞰魴鱖沙角散鷗鳬領略惠崇筆分明小景圖

萬年庵

三字歇心處華亭舊日書禪宗參頓悟使錄集諮餘幾摺遠山外一聲清磬初打包何日了空是漢精廬

登岳陽樓

岳陽樓閣何崇隆乃在洞庭之北瀟湘東當樓湖水三萬六千頃
芒乎沕乎一碧無終窮東湖水黃西湖白盛漲適與江湖通楚雲烏紗諸洲已盡沒但見橫流駭浪如奔洪湘娥綰髻裊煙

外招客手把青芙蓉。扁山萬石錯趾而離立，出沒杳靄晴波中。
沙渚隱約歸帆冥濛，山市嵐翠禪林疎鐘遠近向背歷歷入眼。
底形形色色無一同，冷然忽起巔末風大聲旋震。馮夷宮朝暉
夕陰倏以變，輕舸歷亂如飄蓬。巨魚跋浪老嫖舞，吹沫作雨飛
于空。猥獩援嘯不可以斷絕，豈獨離人遷客聞之愁心胸。兩三
漁舟泊沙際，船頭冥坐叢笠翁。風波如此不挂意，取酒自酌蘆
花叢。歎息逃世乃適意，何苦行役勞其躬。烏雲漫天壓日腳，歸
指西角殘霞紅。

黃陵廟

碧漢紅牆帝子家，蒼梧雲黯重咨嗟。幾番細雨斜風後，唬損黃
陵廟裏花。

湘潭道中柬顧晴芬同年

并序

余入直 懋勤殿時時芬繪蘭花團扇以貽上題瀟湘
疎影途中適攜此扇因過瀟湘成二絕句柬之

春風囊筆侍明光初寫叢叢楚畹香明月一輪人萬里亂蟬聲
裏渡瀟湘

一行小字勝題襟懷袖相依到桂林願拂清風徧炎嶠肯教孤
負故人心

楚中詠懷古蹟五首

三閭祠

變風久不作善歌無繼聲正則起江漢乃作離騷經放筆發愁
思天地爲晦冥慘沮山鬼嘯縹緲湘君舩非無沅與澧蘭芷空
自馨蛾眉善謠詠誰歟能目成三湘水繞碧九疑山連青懷沙
潔我志凜然投清冷愴欲奠椒醕毋乃君獨醒

長沙宅

西京兩儒者江都與長沙年少學早遂長沙尤足誇書陳洽安
策言豈經生家宣室召王佐乃問鬼神耶一與絳灌忤薄宦淪
天涯孱王自昏涵太傅空咨嗟鬱鬱久居此愧難閑其邪以是
隘胸臆坐致周年華鵬鳥遽入室庚子悲日斜

煙霞峰

坐披一品衣身抱九仙骨方其契煙霞讀書此禪窟宰相領十
年白衣佐戎卒讜論時敷陳蹤迹亦飄忽無怪舊史臣王璵傳
同列繁也撰家傳掠美誦先烈奈何涑水翁博采未考核失實
固可疑偉言難盡沒蕭寂僧房中煨芋火久滅

涪溪碑

靈武遽卽位閃閃天王旗銀河洗兵甲快覩中興時臣結謹載

筆平原爲書之詞莊體則頌嶽嶽涪溪碑謂此茹深痛發自涪翁詩攘位固可議磨崖無貶辭南內後來事當日豈預知光復紀日月何用舍刺爲陟險讀殘字苔蘚繁以滋

西山

欲以神策權奪之宦者手此計如得行後來變豈有志大才則疎遂致執其咎任文何足憐所惜在子厚孤身淪蠻荒勝遊喜無負言尋鉅鉏潭載厯縣谷口山水洵足娛辭章愈不朽至今河東文直與昌黎偶我行向粵西更訪柳州柳

雨後行深山中至全州

雨過大道滑僻徑容竹植人不能錯立馬亦難回旋雙峙熊耳峻一綫羊腸穿曲折隘以窄崎嶇頗還偏密蔭不見日亂峯高插天鳥道互爭奪螺殼相沿緣東風捲雲來時還拂我肩上下

計百仞豁然登其巔下視原與隰歷歷羅几筵平疇畫方鄴遠
屋如縫縷我僕已沉瘁我馬尤迍驢湘山杳何處得毋疎林邊
宿壽佛寺

精藍容託足此夕當郵亭雨氣蒸煙碧山光倚郭青暮禽同入
定饑鼠出聽經木葉蕭蕭下秋聲隔紙屏

初至桂林二首

渡漢復涉湘行行五千里昨朝踰嶺來衙齋喜棲止士風尙未
知官場聊復爾頗厭酬答煩無乃施報理黠吏抱文前啟事測
意指我自息我心屏之不一視徐步周庭除小憩立階庑望室
雖已新繚垣或半圯牖暗垂蛛絲梁空浣燕壘兀坐斗室中晴
翠落窗紙遙望獨秀山窈窕青不已

秋氣颯然至飄風來前廊官燭然達旦轉側新繩牀相思域最
求聞過齋詩集

近相思安能忘老母涉江渙維舟知何方妻孥發自北應未歷
汴梁骨肉計三處差池同參商聚首縱不遠愁思何可量耿耿
苦難寐況茲秋夜長攬衣欲起坐奈此明月光素輝入我室照
見頭上霜義纒亦太促令名何以償

按試慶遠舟中望山

一峯迎槳來一峯掠舵去瞻後愁失前右盼復左顧山衆難指
名指名亦恐誤但覺篷窗中目注不能住靄靄前村煙冥冥遠
岫霧濃青團作堆暗翠橫塞路忽近忽遠間若有若無處帆影
隨空濛扁舟此焉渡

小除夕椒雨兄侍太夫人來粵詩以誌喜

幾日檐頭鵲語歡慈輿已度嶺千盤花開棣萼剛春轉酒進屠
蘇恰歲闌五載愧教疎定省一家重得話團圓祗悲椿蔭無由

侍喜極翻令淚暗彈

獨秀峰

一柱能擎天秀越碧雲上其下無串聯其巔斥依傍志不連羣
山羣山孰敢伉獨者蜀以名高無輔曰亢百尺龍門桐單椒鵲
華嶂突兀撐空青屈傲不可狀林缺紅欄遮煙稠碧靄障拔地
矜孤根凌霄恣四望雉堞互迴環遐矚景彌暢因識畸士胸最
嚴隘與防志潔行益芳神完氣自壯落落塵寰中何復知得喪
既絕攀援心自少曼衍相絕俗而離羣茲境亦奇搆

小坐

簾捲無塵處窗延有月時蒼茫此間意祇許素琴知

翹秀園雜詠十五首

流觴亭

芝草堂後舊有石臺石面作回波曲折狀蓋古
流觴遺製也廢置已久余因移之園中作亭以

之類

流觴始東周遺風已千古誰鑿灘江石曲折仿洲渚當時詩酒
歡歲月渺難數華屋成山邱棄置幾寒暑豈乏嗜古人熟視竟
無覩秋風策使車餘暇培花陽搜奇榛莽中如獲岐陽鼓作亭
擬山陰羣賢一時聚其抒觴詠懷曠然縈萬緒世事多廢興終
藉人力舉此意誰能知問石石不語

石魚池

石魚不知何時物鱗甲天成
余得於叢石中爲整池置之

物生天地間位置各有得蛟龍失江湖鬚鬣黯無色磷磷古石
魚天然謝雕刻偃蹇泥沙中飛騰不得出遭逢會有期煙水恣
游息猶憶漢時鯨沈淪不可識遙遙千百年奇突尤相匹從知
天下才藉人能拂拭豈無涸轍魚終年鱗戢戢願擴江海心傾
洞澤萬物

怡謐山館

屋三楹四圍皆植護草
爲太夫人游憩之所

少小吟陔華汕然生悅慕親年喜未髦天衢早翔步承歡歲月
長屢被花甄誤陟岵動遙思義輪不能駐長安憶再遊倍切慈
烏哺

鸞書下

九重仗節天南路千里迎安輿關山急馳驚復蒙

覆載恩三年許重住築館樹談花怡情閱朝暮回思十載前已
惜駒光度所願崇令名努力酬

恩遇

契石亭

署內舊有鹿角石家東江先生視學
至此曾勒銘於上因構亭移石於左

石骨不聳峭不與頑石異峩峩鹿角撐奇作擎雲勢吾宗大雅
才星軺曾背至愛石不忍別銘留數行字歲序忽一周先後結

進契移石置亭隅
岬然欣得地時
或看雲生隱抱霖雨志卻笑
模棱人終無嶽嶽思

攬翠臺

臺累石而成可
以延眺諸山水

粉堞環嵯峨園亭敞幽邃
蔥蘢花木深俯仰足游憩
歷磴陟層臺蒼茫倏無際
嵐氣帶遙青波光盪空翠
乃知擴遠觀首在祛壅蔽
昔余登泰山齊魯渺一睇
又嘗凌鷹崖滇黔恣睥睨
置身良已高所慮迷陰翳
卽境自怡情翛然託遐寄

水榭

榭雲
舊校射之所
西有亭爲綠

南州唱徧太平謠
暇日鳴鑼試玉鑣
曲岸紅翻旗一角短亭綠
擁柳千條鸞鈴小隊春
調馬虎帳戎衣曉射雕
猶憶羽林

親校閱

御鑪香氣拂層霄

每歲上於圓明園親閱侍衛
及隨圍諸曹步射余嘗侍直焉

山蹊香雪

園有植李數千樹
春時花開如雪

撲天花霧慘溟濛
暖雪穠香逗幾叢
但覺春添浮白興
不知身在輭紅中
瞳瞳山月迷樵徑
淡淡溪雲隔釣篷
原是狄公門畔樹
好培枝幹待塵空

疊綵早暎

園左爲
疊綵山

城闕嵯峨曙色分
東南林壑靄朝曛
一痕碧隱龍岡月
幾縷紅添鳥道雲
漠漠炊煙環嶺起
沈沈鐘響隔林聞
遙看傑閣凌空峙
勒石猶慚庾信文

丙子夏慶蕉園中丞建景風閣
於山麓以余序文鐫之壁間

伏波夕霽

園東北爲
伏波山

漢家銅柱鎮蠻州
駐馬炎荒感故侯
嶠山川擅天下
將軍俎豆亦千秋
無邊嵐翠晴霞落
不斷灘聲暮雨收
多少樓臺深樹裏
茫茫雲氣大江流

竹林梵唄

園西南有招提數處

指點琳宮路不遙
繞牆修竹影蕭蕭
聲傳魚唄空諸相
字蝕螭碑閱幾朝
銀闕未聞仙佩下
石幢時見佛旛搖
分明方丈維摩室
可有天花散九霄

茅屋書鐙

園西茅屋數楹宵篝映水隱隱有讀書聲

一星篝火隔溪紅
矮屋臨流拓數弓
淺水蒼葭漁笛外
短籬碧樹雁聲中
蓬廬誰抱膝顏志
山館長懷薦禰風
回首秋窗吟賦夜
催人歲月太匆匆

隔浦漁舟

園西有魚沼中浮木筏置漁具於上

四圍空翠拂周遭
欸乃煙波盪小舠
古渡斜陽花幾樹
長隄新雨水三篙
溪頭網撒纖鱗活
月下人歸晚唱高
一樣蒹蘆風味好
鄉心何事動江皋

層巒雉堞

圍西北爲麗澤門城堞皆緣山而築

襟帶三湘控五羊綠陰環郭種桃柳河流南繞龍江遠山勢東盤象嶺長古洞獐花開雜沓遙村鱗瓦接蒼茫自從六代分疆後銅鼓遺風迹未亡

煙嵐聳翠

圍北有孔明臺上存巨棼一乃吳三桂所鑄

孔明臺勢鬱崔嵬赤伏符亡感劫灰一望莽蒼紅葉下羣峯迤邐翠屏開煙消古壁殘虹滅日落荒崖遠雁來聚鐵六州空鏤錯老奸徒負出羣才

石壁飛丹

圍東北爲獨秀峰上有紅粉掩映於林麓間

分茅餘迹尙依稀縹緲紅牆隱翠微此日峰巒歸鼠竄舊時宮殿鷓鴣飛千盤古磴圍蒼蘚幾樹嘯鴉帶落暉近接量才星使地有誰橐筆悖傳衣

馮秋鶴先生清芬紀述圖凡十幅皆敘其中丞公事蹟松

崖丈索題各系以詩

苦志下帷

節鉞勲高史筆傳丹黃萬卷仰前賢傷心猶記讎經夜伏雨炎

風二十年

余少時先大夫授以經史每暑月簞鐙帳中讀至漏三下始止今展斯圖曷勝慨慕

銓選卻金

嶽嶽丰規重

廟堂一時

恩遇感

高皇後塵今日知誰步猶有清風說渭陽

嘉慶丁卯程春廬舅氏官兵曹時有軍需

應賑減者或餽以黃金百兩堅拒之節國帑數十萬兩

宵廬對月

校獵秋風廬

六飛一灣灤水駐征驂憶昨珥西清筆未執鞭筆看合圍定

講官每歲春秋以二人廬蹕乙亥春余入直懋勤殿校閱書畫未與簡派旋視學粵西

安輿迎養

天頒使節效宣風閩海波原粵海通兩地榕門先後記板輿同

看佛桑紅粵西亦稱榕門余於乙亥冬迎太夫人來署

黔靈步禱

金筑千家罷鳥耘甘霖忽見醺春雲嶺南昨歲鱗原涸愧擬江

都禱雨文丙子閏六月余自柳州旋省值桂林旱慶蕉園中丞步禱余作禱雨文翼日雨

荷舫娛親

小池環碧吐紅蕖亭榭初成樂有餘水驛年年勞按部輸公扶

杖學騎驢粵西院署久散丙子冬余略加繕葺後於西阡廢圃構怡謐山館流觴亭鑿池種荷爲太夫人暇日眺

覽之所今春落成余即
按試各屬未能隨侍

湘城笳鼓

聖書忽下楚江湄萬騎爭看逐節麾記得武陵驄馬過城頭猶

聽暮笳吹

歲庚午余典試漢南曾道經常德

安南貢使

一帆風送古藤州犀象新逢入貢舟回首楚南開燕後戟門花

落幾春秋

今夏五月余將按試鬱林道出藤縣適越南貢使亦至

親履戎行

密箐重巒鳥道通龍江聲鼓記臨戎卽今飛旆獵花路猶領平

蠻第一功

乙亥冬余按試慶遠猶有述公平東蘭功者

皖江情話

江左雲山久建牙團圓誰似阮公家頻年我亦縈離抱小館新

看種棣花

余與叔兩兄南北久違昨歲始聚因於廳事之古種常棣荆花顏曰棣華荆榮之館

題居石帆贊府印譜

藤峽珠江一水通
瓊闌相聚正薰風
妙傳煮石山農法
官閣餘閒篆活東

趙家印史重當年
韻外今看又一編
記得西清曾讀畫
別鐫小

印署名牋

余於嘉慶乙亥入直懋勤殿覽內廷書畫因燭石帆鐫西清讀畫章

求聞過齋詩集卷四

海鹽 朱方增 虹舫

八月 命留廣西學政任恭紀

乞草獐花一載看使車原台返長安

定制學政三年中有陞遷事故者其後任接辦歲試

概不留任余昨歲九月到粵尚有慶遠武生童及柳州文武生童皆未歲試乃特蒙留任蓋異數也

聖恩復許三年駐士氣慚騰十郡歡滋蔓尙留難去莠

粵西天

甚眾曾奏請查辦

噓枯曾活已摧蘭

前學使以各屬歲試生員不到說革者千五百餘人余憫其過多撤

各學查明始知前使者按臨各郡以病不放告士子無從呈明致被黜乃悉爲開復衣負蠻州久幸漸

文教振勸猶虞報稱難

重修梧州試院落成詩以誌喜四首

虎踞南荒第一州緣山雉堞枕江流人才舊說馮當世吏治今

逢郭細侯鎮院宏模恢五管講堂遺迹溯千秋

試院舊卽觀瀾書院康熙年知

府李亨時所移建

即看牙繡應官去合並甘棠化澤留

謝芝田太守創議重修落成即

察去

三年又佳感

皇恩嶺海文章得再論

俗愧馳司馬檄乙亥冬

特命直省

士民余擬黜邪導正說二十條以進

命刊布焉愛才敢擬李膺門早知化洽枌榆社

重見輝生薛荔垣長此雨風欣有庇談經誰繼漢陳元

春風回首舊青氍辛苦難忘射策年

余諸生時嘉郡試院猶舉監及官翰林後郡人始擴

其玉尺昔曾量

北闕

甲戌分

校禮闈珊枝今又網南天頭銜屢換

恩原渥心秤平持鑑肯偏聞道梧江才最盛濯磨還自望諸賢

匠石經綸愧未兼程材每欲辨樟枏敢矜歐老衡文細莫訝韋

公剔弊嚴蟾窟他時修月斧駒陰此日惜風檐願培桃李花千

樹其沐

天家化雨露

題楊明府雙橋圖

鑑湖春漲接鴛湖，嶺海歡逢興不孤。
萬里人剛迎竹馬，十年心豈戀莼鱸。
蠻州瘴雨鳴銅鼓，官閣清風朗玉壺。
笑指雙橋橋下水，他年載石補新圖。

擬蘇若蘭爲寶滔戍歸治酒洗塵二首

龍堆馬邑感天涯，輾轉征鞍幾歲華。
此日紅梁同酌醞，舊時紫塞獨聽笳。
千行猶訴機中字，一曲應歌陌上花。
翻惜漢廷蘇屬國，節旄歸去已無家。

偏安殘局記西秦，遠徙流沙別恨新。
歸路忽馳金勒馬，生還真見玉關人。
刀環夜照尊前月，甲帳春消塞外塵。
轉憶陽臺當日

夢鳳陰犀押更誰親

弔鐘花二絕句

新樣花枝嶺海生徧搜卉譜未知名何當移植

瀛臺畔好聽

龍樓百八聲

鑄出東風葉葉圓琳宮深處幾枝懸向人恐墮聲聞劫也悟天龍不語禪

因而園雅集圖爲慶蕉園中丞賦二首

牂牁江繞粵江來

公自黔中移節粵西

亭館西風夜燕開海內鼎調三世

業座中人集九州才經綸餘事營花徑山水閒情託酒杯我感

皇恩許重駐頻年嶺嶠共追陪

西清麈筆憶當年雅集圖披

玉殿前

乙亥春余直內府所藏唐子畏西園雅集圖

嶺外忽教聯使節畫中

也得

詩禪蓬山客半推前輩桂海文誰結後緣池館祇今成

小築

何時相對壁吟箋

余於試院構翹秀園池亭山樹皆所指定

節母馮孺人傳後

天子御極十二載珥筆承明佐僚衆史書節烈古所崇

詔下寰中博搜採

嘉慶丁卯余充史館提調曾奏

忽忽駒光一

紀馳

征帆象郡乍歸時煙波三泖搖雙槳有客乘潮一卷持爲

言家有陶嬰德疇昔登樓死未得春風雙引寄生枝畫荻宵簪

淚沾臆芹水香承桂萼香

九天鳳綵迓

龍光甜同蔗味娛榆景榮待花封耀鬢霜貞珉已勒千春字栢

捲年年思不置懿行應書

國史中作詩爲告輜軒使

寄懷卞棲霞丈二首

一櫂秦溪水追陪記昔曾雲山馳粵嶠杖履憶毘陵遠訊三秋
遞歸帆萬里乘鯉庭欣近接幾卷祕行滕
詩源接王孟文體敵韓歐翦燭千回讀心香一瓣留鶴籌欣永
積雀舫待重遊願拜扶風帳何論道阻修

詠蔣烈婦事

刳尾無全鱗鍛翮無完羽哀哉烈婦族其人冠而虎寡鵠漠不
矜悍然逞狎侮嫁婦重錢刀不恤婦心苦婦心百鍊剛鐵腐志
不腐碎汝合卺卮完我同心縷刀鋸尙不辭棒喝安足數肌膚
寸寸裂血肉墜如雨身死心自甘甘作几上脯此指因之斷此
心良可剖義憤激鄉閭皆裂髮亦豎頻死暫生還冤憤死未吐

呱呱三歲兒母死亦不乳惜無良有司一雪神人怒憶余官粵
嶠兇頑嚴對簿貞烈罔不旌綱常冀小補聞此氣鬱結千將欲
起舞人生孰不死一死足千古誰憐死者哀慎守一抔土釀金
置墓田麥飯庶有主作歌告同志願言薦芳杜

梅溪大伯父暨伯母喬孺人遺照敬題卷末

齒德崇今代風徽

抗古賢飲人惟道義樂志在林泉吾祖方強

日知公正綺年

先大夫嘗言公少時為默亭公所器重

龍文曾獨識駿足不終蹉

嶽嶽襟期曠隆隆世澤縣最敦花萼誼早廢蓼莪篇恭讓師楊

播雝和式許虔況資鸞庶助勝效鹿車牽尚儉勤姜續賙貧惠

鄭錢芳聲紛噪里第祿渥承天喜其扶鳩杖悲先駛鳳輶烏私

難再哺雁序本雙聯蘭膳馨逾潔椿枝耄益堅金還發婦囊以

銀存公者既歿其子

未和公以原棗還之麥助曼卿船舊戚王念曾之孫貧不能自立公助以資丙舍恢

堂構

邵灣山宗祠公所建造

庚糧溥

陌阡

嘉慶甲戌早公出資平糶

旁支恩

卜夢

同族學曾

公停柩數十

年公爲葬之

先隴

肅加籙

叔祖覺士公端士公同葬

池公於公產外復捐置祭田

高誼

欽彌篤

鞋材愛

更專器

原慚謝

密學每

獎虞

齋海國

旋翔

翻天

衢幸著

鞭開樽

遊杏苑

珥管

傑花

甄磨

竭逢

迤運

臯魚

痛積

愆

歸程多

涕淚厚

意倍勤

拳別夢

俄千里

驚心

又十年

雲瞻

胥水

畔節擁

桂江邊

未遂蛇

珠報欣

聞鶴

算延書

曾貽馬

援壽

正祝

彭錢攬

揆詞方

遞騎箕

信忽傳

丙子爲公八十壽

撰聯語郵祝旋聞公訃

撫膺真

慟極展

卷益潸

然陶翟

原偕隱

樊劉已

並仙

燕謀知

久裕

龍綽待

優宜

題程蓉

浦夢江

南圖二

首

小秦淮

水碧鄰

鄰舊日

蘭橈記

問津忽

忽十年

駒影過

夕陽誰

是倚樓

人

玉鉤斜畔玉驄嘶江草江花路已迷燕子不來門巷換鞭絲猶憶綠楊隄

寄懷李南人上舍二首

嶺嶠歸來路幾千春風譚麈喜重聯林泉訪舊仍三徑樽酒論文又十年幾輩定交桑梓地一時同感蓼莪篇心欽純孝誰能似新聽

恩綸賁九天

君以孝特膺旌闔盛典

襟懷高曠本殊人況復清才更軼倫畫品一時闡立本騷壇千古楚靈均鴻都飛白追奇迹鳳篆吞丹想後身合有鶴書徵闕下未應常滯輓紅塵

馮少眉古鐵齋題壁

并序

少眉負淵雅才嗜古博識尤精八法所居爲王蕉窗太

守故宅於堂西一楹顏曰古鐵蓋取唐鄭損詠古碑詩
風雨淋漓鐵漬痕句也中藏金石書畫日吟嘯其間不
讓倪迂清閤也余自嶺西旋里始與君訂交雲間因作
長歌以志傾倒

波痕漲綠通三泖一夜東風峭帆飽雲間何處訪機雲意外翻
教得庾鮑自昔人傳大小馮于今風度將毋同鼎彝列座銅肌
綠蚪蚪縈窗玉篆紅摩挲盡日情尤洽縱論前朝斯邈法秦璽
難尋渭水宮晉碑空憶昭陵匣君今嗜古精爬搜穹然一室羅
千秋刻碑雅好分三體鑄鐵何妨聚六州平生笑我無他癖嬾
攢圖書米顛石一騎長安踏輓紅頻年演粵馳山驛扁舟無物
伴歸裝漢印齊刀遠寄將多謝風塵勞物色頓令凡席生晶光
回思

朱殿鳴珂玉金碧采恩晃朝旭供奉曾參賀監班遺編猶覩歐

公錄

歐陽文忠公集古錄手稿今藏御府余纂石渠寶笈時曾獲覽焉

願君哀集千瑤瓊徧勒

貞珉傳八紘豈獨聲名壽金石還看文藻光蓬瀛

張楊園先生寒風仁立圖敬題五排十六韻

文章誰不朽曠代得真儒理續黃劉緒心儀孔孟模屯蒙時正
值遜節德非孤禍惜東林社吹慚南郭竿諸生貧向樹處士老
林連俎豆馨猶在箕裘紹獨無黎侯碑再勒方子像重摹想見
龐眉古低徊馬鬣蕪松楸留舊澤桑梓慕吾徒往者祠分水羣
公奠束芻百年懷屈蠖廿載溯飛鳧怡喜淵源合同將道義扶
請祠先生於分水書院者余師李立山先生繼修先生墓碑者
余門生黎雪樓明府先後幸先生里皆能崇尚先賢洵足為儒
林盛事也夙期承絕學今幸展遺圖避世同周續高風擬謝敷里居
光史乘書籍擴經邠所貴修名立須臾笑苑枯

題沈胎簪簪鐙校印圖

官私印文始西漢繆篆蟲書各璀璨元末人傳王會稽別將花
乳鐙明換吾邱學古考最精遺編已渺空垂名柞溪沈生有奇
癖炳炳文列几席就中半出飛鴻堂網羅散失新珍藏模糊
錯雜不可辨短檠夜別勞評量平生讀書有抱負豈屑年年校
蝌蚪蠹螭印若若綬他日佩之大如斗勒銘燕然山樹碑浯溪
口姓氏要當書旂常古人之名復何有

外祖母遺事家傳中未及載者復成詩二律補之

三十年來繫夢思

感恩猶記委髫時

驚心急視童烏病

余三歲時太夫

人挈之歸寓中夜因驚駭厥外祖母急起視延醫調護始愈

侍食如含大母飴

每飯必命余侍側親以箸

分膳與之俎豆幾傳脰遠族

姪孫蘊南貧不能婚呱嗚數口恤窮爰文

乞食憐而收養之其子孫今猶小康五旬卽誦蓮花梵濟物原

同寶筏慈每歲買螺魚放生

孟機姜績孰能傳車乘如看倍楚邱外祖受分時僅得質庫一外祖母添置二餘蔭

特開新棟宇樂存堂西新築敬業堂詒燕堂漱芳書屋分授三舅氏四舅氏居之深仁遂振舊箕

裘不妨盡棄田文券親族乞貨者無力能償悉焚其券儘可分貽范相舟外祖姑丈

在氏家貧時朋給之此日瞻圖添慕想遺徽長為子孫留

桐溪卽事

猶是桐溪路重來感不勝別離經歲月牢落數親朋譽負駒千里悲添淚幾升臨歧囑諸弟努力早騫騰

題程春漪二舅氏遺照

小小依謝公身在羊曇列公時年未壯我亦未束髮公每顧諸甥謂我良崢嶸撫之恩獨深朝夕相提挈及我十餘齡年時或小別公抱湖海懷一隅笑羈紲移家駕鵞湖琉璃萬頃澈煙雨

罪空濛樓臺半明滅嘯歌意自怡歲月杳如瞥臨窗忽徘徊北
望鳳凰闕鴻原隔十霜殷殷馳車轍時我悲難斯踰歲服乃闕
長安當再遊同居復累月勸我崇明德期我樹功烈謂昔我兩
家錢刀未嘗竭汝貴家已貧余亦謀生拙燈炮漏闌時拳拳每
絮說我欲慰公懷偕公涉林樾愁顏一以開縱酒或嬉悅蒲觴
擬快斟滇雲倏持節歸程颯寒風公旌已南發報公未有期胡
然竟永訣淚雨瀉奔泉駒光傷電掣萬里馳皇華征帆轉西粵
淒然登公堂展圖聲嗚咽少壯曾幾時戚友半殂歿公貌清而
癯公志皎如雪圖成三十年瞻拜心如結豈獨題公圖願書墓
門碣表公平生恩千秋長嶺畔

桐溪夜歸

桐溪行曲折又復渡秦溪舫響時驚犬更深欲唱雞穿橋虹影

碎向曙月輪低曉色空濛外前村路尙迷

屈韜園茂才出蕊卿圖索題

天花散影吹香雲迴鸞妙舞旋珠塵樓頭彷彿見盼盼畫中宛
轉呼真真仙蹤曾記來瑤闕曇花小劫紅塵謫畫鷁朝翔虎阜
雲香輪夜駐鸚湖月鸚湖花柳嬌春風燕脂照鏡多天紅忽看
天上瑤華色笑煞人間桃李濃幾家珠館拋金餅一曲羸簫誰
與並慧眼能窺筱鳳才濃情欲合琴鸞影湘波南國舊詩仙一
笑橋邊玉杵緣錦茵密護隨風絮香國將栽出水蓮淺斟低唱
忘朝暮倏去游龍招不駐一別真教憶阮郎重來還許逢崔護
網軒繡戶縈春愁珍重牟尼一半留出入長隨懷袖裏相思不
盡浣溪頭琉璃寫影鏡湖綠連理紅絲幾時續京兆眉痕認舊
圖靈均香草翻新曲

題王中園先生東湖後吟二首

十年再見鬢添霜，難得論文又故鄉。一字曾師韓吏部，余少時

蒙先生指授幾人能識孟襄陽。看花老策鸚鵡杖，先生主周晉觸瘴

遙回象郡航。爲話舊時諸父執，歸存獨有魯靈光。先生與先大夫交最契

性情不惠不夷，外詩格或唐或宋間。見先生挽陸少白詩註中每惜經綸徒

大隱，先生有志經世嘗著經咫等書卽論著述亦名山。於今氣誼塵寰少，終古

才人遇合艱。咫尺里居原近接，扁舟莫厭屢追攀。

題吳榕園故居

去國已三世，所志仍一椽。故居在何處，乃在潏水邊。兩公昔競

爽，同任京外官。中丞著偉略，奉常魁諫垣。河山悵破碎，金甌無

由完。撫軍旣盡瘁，殉國尤稱賢。遭逢

聖明世，謚以貞肅傳。榕園從祖太常公劄前明甲申之風微已

難純廟賜謚貞肅極褒忠曠典

遠邁世澤猶未湮文孫磊落士孟里經再遷腹挂萬卷癖秀挹
雙峯前迴顧石帆嶺喬木思殷然落紙紀堂構藉茲矢勿諠吾
邑好山水紫雲尤連螳我欲誅茅隱結廬層巒巔屋有遠林繞
籬以疎竹編靜晝似太古堪誦南華篇果啖檇李飽菌愛松花
鮮時時得麋鹿炮之供盤餐君如返故里買山休論錢

粵卉二絕句

淮水秋雲漢上霜更無琴鶴伴歸裝只攜一種猩紅色映雪齋

頭貯國香

粵西紅蘭異種攜貯齋中足供清玩

尊酒招邀憶嶺西園亭都半為留題

粵西撫署有因而園蒼梧道署有借園李春湖前輩

家有我園余於試院築翹秀園公暇與慶蕉園中丞葉琴柯方伯祝與亭廉訪宋梅生觀察及春湖前輩集聯吟各繪圖以誌

佛桑紅雜桃椰綠惜未栽成舊柳隄

二卉攜歸後為風雨所壞

徐蓀畦以六如樂府見示即書其後六首

徐陵老去尙工詩
橐筆天涯話昔時
一曲眉山新樂府
唾壺敲碎幾人知

一官遠謫海南頭
紅袖飄零幾幾秋
翻惜當年丁相國
竟無人其赴崖州

浙西亭館楚南祠
況復豐湖繫去思
但有河山容嘯傲
不妨隨處駐旌麾

弔古關河感慨頻
報恩曾有墮樓人
慰他瘴海埋香恨
畢竟文忠勝季倫

眼底榮枯一笑看
炎荒俎豆重蘇韓
但論忠佞休論遇
千古誰如兩諫官

無計迴天事可哀
卻教粉黛解憐才
同朝纓紱知多少
今日誰澆土一抔

過下雅堂同年毘陵官舍卽贈四首

曲江絲管杏林風珂佩同時走玉驄再校瑣闥

雙闕下平持丹筆十年中特邀溫霽承

天語早有廉明達

帝聰抃舞江南諸父老旌麾一路迂文翁

茗溪水接蠡湖波畫舫迎親樂事多鶴髮雙看持玉杖

鸞書雨荷錫

金坡歡聲久聽騰鳧藻惠政還聞黜虎苛第一弦歌開教化南

宮疊慶擢巍科

郡中龍城書院君加意培植甲戌罷君溶已卯費君庚吉俱捷南宮第一

三吳舊俗仗扶持從古名臣重濟時張尉詰奸矜庶獄

郡有巨案不能

結君密訪三月梁公草檄毀淫祠

五聖淫祠自湯文正公奏毀後常郡猶被其擾郡民黃姓

得之一郡大服乃檄八屬撤之妖不敢逞

濬渠直遣千帆利

利甲戌請帑濬洪

求聞過齋詩集

卷四

十

陽而下悉通商民感悅議賑能匡萬姓危不是生平宏抱負

幾人江左動謳思

列郡爭思借寇恂金閫五月化敷新還轅心軫秧歌路勸農之

不行君攝蘇郡篆畢還常逼比戶蹤消草竊人一代文星仍其

仰戊寅已卯五年舊雨喜重親抒懷好藉圖中石君繪梧陰小

憩梧陰碧滿身

以檣李餉尤春帆中翰范細芸學博腰以六絕句

十載應官笑轉蓬故園幾樹熟薰風綠波雙槩攜筠籠絕勝唐

宮一騎紅

精藍地僻蘚痕斑老樹槎枒未許攀愛煞煙鬟七十二分根新

傍紫雲山檣李向性淨相寺有之未熟即官

湖水鴛鴦淺漲平林花開處正春晴地名一樣傳佳果酸棗城

連大荔城

浣紗人住越溪邊歌舞宮中態最妍響屨廊空梧院廢爪痕猶
是印年年

畢竟天心惜美人盡教凡卉亦千春楊妃花與虞姬草也似東
施解效顰

徐園核小色香殊顥顥紅擎火齊珠原是梁公門畔樹愧論種
李到吳趨

題司馬文正公神道碑後

平生志慕兩文正范公溫公並賢聖范公碑文已留跋

已卯夏范綱芸

外翰出元杜本所書范文正公神道碑屬余跋之公之墓碑足輝映范碑歐陽公碑蘇

夫生文人表懿行溯昔元祐黨籍興忠佞分途殊政令荆公豈
有濟世才殃民祇逞執拗性後來紹述何紛紛官家倒置太阿

柄磨礪大石復大書端禮門前榜名姓其碑尙留粵嶠間使車

偶指猶知敬

元祐黨籍碑今粵西龍隱巖及柳州融縣老當年君洞石壁皆刻之余按試曾拓而藏之行篋

讀史長歔歔小人得志亂朝政知人則哲惟宣仁太息臨朝志

未竟天心不欲宋祚長范公外黜公臥病公身已往公名存赫

赫猶傳相業盛仰天翻爲京下悲徒遣後世清議逆憶余曾觀

公告身

公告身藏殿時曾爲錄

內府余直

懋勤

神襟超曠筆堅勁卽今

又得公墓碑激昂意氣發歌詠感時不獨著謳思請爲千秋作

金鏡

飲柞溪沈氏宅

一門裙屐擅東陽竟日淋漓結客場此地曾邀三徑月重來已
隔十年霜酒逢舊釀傾何密人近中年感易長惆悵夜深刺船
去柞溪煙月重茫茫

題沈曉滄尊甫組雲翁斲研遺照

巧匠斲山骨古人昔有辭技也進乎道椎之而鑿之或方正如矩或圓橢如規上銳等圭剡中側同器敲并字風字惟其肖日樣月樣隨所施聚以大小活東之蚪蚪蟠以深目出爪之龍螭覆以發池田田之蓮葉翼以挺巖濯濯之靈芝校書登天祿宣麻臨鳳池草檄澤露布摩崖泐穹碑此器不入庸俗手名山著述一字可作千秋師當其磨光刮垢日精采發越揚英姿鸛鶴雙凝青綠眼鷗鵠遞現紅黃絲臂若梓人成大廈斤削一一隨指麾又如陶人工搏埴窪窿各各呈高卑平生好研有隱癖每從雕琢窺神奇憶昔歲甲子拜

賜趨

彤墀松花之江砥山石石痕精緻無纖疵襲以古錦囊潤以古

隋麋傳諸後嗣永寶用堅潤之光直欲穿罟罟其餘端阮歛產
靡不有殫精竭慮窮鏤治翁之嗜好與余合如珀拾芥鍼引磁
休休儼瞻道貌古鑿鑿宛示婆心慈揆質要使銖兩稱程功勿
使粗暴爲治研兼得治人術隨用所適非偏私素縑尺咫微
旨因材而篤其如示諸斯吁嗟乎因材而篤其如示諸斯寶斯
圖者益當切磋琢磨以慰先人思

題魏春松侍御西苑校書圖二首

橐筆承明記昔遊壺天三十六春秋舊時苑柳仍青眼前度郎
官已白頭明月揚州曾跨鶴春風沂水又鳴騶鴻泥蹤迹難圖
遍嶺海還看姓氏留

先生曾於嘉慶甲戌同蔣礪堂尚
書至粵西題名於桂林龍隱巖

春明杖履接頻年

祕殿紬書話後先金匱續藏分七閣

嘉慶癸亥余曾校續藏
四庫書於文華殿

石渠

特詔訂三編

乙亥余曾入直懋勤殿校勘書畫

一時偶珥丹鉛筆千古同留翰

墨緣況復瀛臺曾倣直畫圖指點五雲邊

瀛臺在西苑余嘗倣直與觀冰嬉

秋風刀尺圖爲馬節母賦

古今節烈傳庸奇無二致遭際有常變載筆敢軒輊余愧列史

職懲勸千秋寄貞操不可沒昔年曾獻議

余於嘉慶丁卯冬曾於史館奏纂列女傳

嗣復輯志乘顯晦爭一字

我朝一統志所書節烈雍正間皆列事實迨乾隆年續修者刪事實但

載姓氏今又奉命覆輯或欲仿雍正年例凡無事實概爲刪之

計各省應削者數萬人乃言於總裁仍循其舊爲難

與爲易生死功無異在古有定論況乃茹檠事吾鄉有苦節禍

結卽淚漬此身未分明胡乃強奪志石泐志不移猶子足延嗣

一去一留間茵溷各分墜臂之忠與佞任人自位置平陂理忽

淆若敖祀竟置齋志無復期溘然瘞邱隧或疑天夢夢禍福顛

倒示余謂庸庸生乃爲造物棄使彼老閨闈兒女環球翠忽忽
數寒暑奄謝復誰思

題劉西垣孝廉天涯夢母圖

陰雲翳天表秋雨愁不停劉生手持卷欲語涕先零爲言疇昔
歲客館鄰滄溟饑驅苦行役萬里悲飄萍祿養生不逮霜露辜
薦馨涼宵耿不寐魂夢忽杳冥渺無關山阻恂恍趨門庭入門
見慈母悲喜翻交形依依戀懷抱溫清期千齡倏若飄輪逝曙
窗懸殘星隱約笑語在鈴柝不忍聽一晤仍永隔竟夕淚潸潸
余聞劉生言入耳如驚霆根觸平生事相對哀伶仃烏私慟莫
展況復傷原鵠余四丁親喪伯兄復於壬午春謝世骨肉半凋喪先室卒未一年兩兒繼塋荒
隴燐青青人生厄至此辱焉忝槐廳憶余昔持節羨君新發硎

余庚午典試雲南
南擢君第一

君已痛萱萎屢閱堯階冀余母尙健在粵嶠迎

輜輶蓼莪旋廢詠鴈蟀復幾經夜夢偶見之幻境難通靈倘能
長承歡好夢何須醒君今感松楸又將馳郊垌徘徊話遠別落
日悲旗亭

崔任庵刺史出其尊甫潤亭先生事實冊乞題

高義千秋兩文正諸城今顯范昔盛范公江南善荒政相業忠
宜得光映諸城先世牧甯羌其時歲歉非金穰遠近就食攜餽
糧活我萬姓生賢良

諸城劉方伯榮康熙間知陝西甯羌州歲
稔公運米通賑民賴以全賑甫畢即誕文

正公於州署事
詳諸城縣志

古今一轍報不爽皖江崔公蹟相仿公初困阨

氣倜儻後乃滋豐澤浩蕩餽粟枌榆賑恤多至今江左聞謳歌
公之令子掇巍科一麾將向齊州過為述先德重輿論君及吾
門憶師門

任庵為余甲戌禮闈所薦士余
出文正公孫家宰信芳師之門

甯羌刺史政具存此

行宜沛

朝廷恩綏君世澤展君才一言更遣懷抱開千古盛德惟散財

義莊盡法姑蘇臺

蘇州范文正公義莊至今于孫世守之

題吳菰圃協揆涵恩歸權圖四首

蘭陽初奏大功成使節欣看轉

帝京

聖主酬勲方倚任老臣拜疏自陳情慰留

溫諭傳三殿浩蕩安波樂四瀛身繫宣防天下重尙教中外望

蒼生

四十餘年接鷺行詞臣使相荷

恩光南州民免鯨波厄

北闕人瞻駿烈揚往古漫推劉大夏我

朝重見斬文襄萬千赤子勞公活天與汾陽弗祿長

治河心法重家傳

純廟知人獎後賢元老三朝文潞國名臣再世范忠宣同時僚屬皆公輔異日雲仍盡列仙褒鄂風姿欣慰應知圖畫勝淩煙

河渠志本續天官史職中朝克稱難愧我軫才揚偉績紀公鉅

手挽狂瀾

余居史館二十年我經余續輯其間書公治河功最盛

朝河渠志

傳來奏議蠶荒誦

歸去湖山父老歡盛事繼推三相國

謂漳浦蔡文恭公韓城王文端公吾鄉章桐門相國

又看祖餞滿長安

家蘊山同年

鳳森

寄示守濬日記卽題其後二首

妖氛陡起勢炎炎刁斗爭傳壁壘嚴攀堞懸梯三面集枕戈草檄一身兼直教貔虎威先振早遣鯨鯢首盡殲十萬甲兵藏腹內名臣從古熟韜鈴

凱歌聽唱古黎陽
饒銅聲中士氣揚
雉尾炬能燒勁敵
虎牙臺正接嚴疆
守陣偉績傳三月
晉秩

恩綸拜

九閭多少蒼生勞
保護祇今河洛頌甘棠

題鮑淦先生遺照

古人無今人古人名早隕
伏生值秦火遭際亦何幸
傳一古人書名與古人永
翳昔事丹鉛披攬獨強敏
浩然悲古賢大半歸沈泯
著書書不傳身世滋憂悶
蠹簡剔叢殘習闇盡彪炳
快若春風來枯枝發新穎
古人藉翳壽隻手千秋拯
古人亦祐翳科名

錫晚景余雖鄰翳居翳顏
迄未省今日披翳圖百感
忽交併人生若隙駒百年
亦易盡紛紛金紫多倏若
朝露等置身徒青雲

功勳孰鐘鼎豈無著作才
嚶嚶類秋蚓亦或嗜摺摭
鑿空智妄逞翁獨比老彭
好古心耿耿但述而不作
足爲世儒警余髮已漸
蒼愀然慙短綆俯仰天地
間託足渺何境師翁事編
摩惟翁或心肯終恐才力
薄望洋歎滄溟

陶然亭公醺同郡諸孝廉

前茲試南宮鄉誼速春酌
傳呼菊部頭侑后付絃索
今值過密時法曲久不作
何處足勝遊江亭頗不惡
螺髻一抹浮窗紙四面拓
碧葦短於薺遠林張似幕
于焉集親朋酌以金鑿落
情意相纏綿鄉音自雜錯
誰復矜色莊間亦投雅譁
恍遊鴛湖中聽雨話篷腳
粉社移都門今日樂莫樂

題家芝圃前輩海上受降圖六十韻

桂海人重見蓬山轡昔聯
畫圖披此日戈甲話當年
悍俗維閩

域妖氛集海暎波濤爭出沒里閤少安便遭藪漳泉匿嚴疆制

粵連雞籠潛竄駛雞籠山鳳尾又聯翩謂浙盜鳳尾幫戎莽滋三省星

弧耀九天

詔書馳羽檄軍勢震樓船大帥功幾集疆臣肘忽牽空教師律

壯太息將星懸謂李軍門長庚一自鴟張後頻聞豕突前驛騷悲澤國

燹伐奮霜鋌列岸艨艟蔽焚岡玉石捐念茲黔首困彌切

帝心憐勦撫功兼用恩威

諭並宣牙兵齊踴躍巨孽遂迺遁黑水遙環陣黃頭盡控弦力

知斂獸竭喘鮮鼎魚延盜首蔡牽擊溺黑水洋虎旅勞方敘螺江蔓又纏

索逆磯後盜首盧循仍結黨辛讜待張奪鹿耳流原險鹿耳門為臺灣

咽鯤身地本偏臺地在帆檣颺去鷁羽翼翦飛鳶朱潰礮死孤赫赫

威稜響紛紛間謀傳羣情工幻蜮百足捷馳蛇窺伺重洋外遲

留亂嶼邊舳艫爭駛逐歲月屢推遷鼠首猶牽制狼心暗伏跽
縱擒窮李憲順逆諭蕭乾干可乘機戢旗將跋浪舉祇愁生反
側誰爲計安全太守中朝傑文章玉局仙論兵嫻戰守揆勢合
經權大府咸推轂羣雄願執鞭遂憑單騎造頓遣衆心堅夷險
關呼吸危疑妙轉旋歸誠來絡繹慕化接駢闐朱渥降後規畫餘匪皆降
帷中運機宜閫外專械事卽看消鯨霧從此靖狼煙番舶安
宵渡估舟穩晝眠數原天助順功合

帝褒賢疇昔曾移節

公受降後旋觀

於今再擁旄

公今秋服闋來都簡授

福建督糧道

朝廷知富弼父老識唐璿麟閣標魏績龍臺迂錦驍公勲眞卓
爾我意轉愀然往者灘江駐諸曹故習沿萑苻隨地脅保障幾
人肩藉口皆鄰壑

余於嘉慶乙亥視學粵西各州縣盜匪及天地會匪不可勝數前之司土者皆云乃粵東

驛捫心孰頽川相羊容鵬鏡驅逐少鷹鷂大吏嚴符下良民隱

慮煎豈徒魚漏網翻類獺歐洲粵民爲盜匪會匪擾者控之官或反指爲誣捏蓋懼干處分兼

惜解費越俎庖難代殲渠惡未悛余曾咨中丞戮匪首數人然厥黨猶熾洵原殊

海島擾竟徧田廛公乍歸鄉井人誰決盜泉公銜恤歸里日視其擾而事權有屬

不苦在海上時能降數千劇盜也彼氓仍岌岌此念其悁悁自古澆漓復全資

教養先莠良同赤子功罪異青編指顧封圻任煩苛法令蠲膏

應歌黍稷俗盡化茅荃不獨除羣醜還宜汰冗員無窮傾倒意

聊以託詩篇

當湖張耒洲先生山莊遺圖爲秋樵大令賦二首

古木斜陽憶昔遊高風無復識浮邱嘉慶戊辰余銜恤回里始至山莊先生已謝世矣

千秋著作曾摩碣十載天涯又泊舟已卯秋又至山莊竹石平泉留舊

蹟琴尊栗里譙清流湖山咫尺追隨晚未得聯吟杜若洲

園亭小闢瘴江邊
桂嶺輶車駐幾年
忽悵驅歌辭粵嶠同悲駒
影逝虞淵戊寅冬奉太夫人諱旋里今展斯圖
初種時秋樵候補保陽故里池臺柳自眠
不盡馬遷追慕意茂陵傳世
有遺編